

## 1921 Թ. ՓԵՏՐՎԱՐԻ 18-ԻՆ ՆԱԽՈՐԴԱԾ ՉԵՐԲԱԿԱԼՈՒԹՅՈՒՆՆԵՐԻ ՓԱՍՏԱԹՂԹԵՐԸ

Փետրվարյան ապստամբության 90-ամյակի առիթով\*

1920 թ. դեկտեմբերի 2-ին Դրաստամատ Կանայանի (Դրո), Համբարձում Տերտերյանի և Հայաստանի Հանրապետությունում ՌՍՖՍՀ լիազոր ներկայացուցիչ Բորիս Լեգրանի միջև Երևանում ստորագրված համաձայնագրի հինգերորդ կետը հստակորեն երաշխավորում էր, որ ՀՅ Դաշնակցության և մյուս սոցիալիստական կուսակցությունների ներկայացուցիչները հալածանքների չպետք է ենթարկվեն մինչև երկրի խորհրդայնացումը կատարած գործողությունների համար: Նախքան Հայիեղկոմի ժամանումը Երևան, տեղում իշխանությունն անցնում էր ռազմական հրամանատարությանը՝ Դրոյի գլխավորությամբ, որին կից ՌՍՖՍՀ կոմիսար էր նշանակվում Օտտո Սիլինը<sup>1</sup>:

Սակայն բոլշևիկյան իշխանությունները չկատարեցին Երևանի համաձայնագրով ստանձնած պարտավորությունները և հետագա շաբաթներին ձեռնամուխ եղան լայնածավալ բռնությունների իրականացմանը: Բնակչության շրջանում առանձնապես մեծ դժգոհություն առաջացրեց «ռազմական կոմունիզմի» քաղաքականությունը և վերջինիս կարևոր մասը կազմող պարենմասնատրումը, որի արդյունքում առանց այդ էլ աղքատ գյուղացիներից բռնագրավվում էր նրանց հացի «ավելցուկը», ինչպես նաև ՀՀ բանակի շուրջ 1400 սպաների աքսորը:

Սակայն բոլշևիկյան բռնությունների շղթայում առանցքային օղակը ՀՅ Դաշնակցության անդամների նկատմամբ իրագործվող հալածանքն ու զանգվածային ձեռքակալություններն էին: Ներկայումս արդեն հայտնի փաստ է, որ նախքան Երևանի համաձայնագրի ստորագրումը, ՌՍՖՍՀ լիազոր ներկայացուցիչ Բ. Լեգրանը կազմել էր խորհրդային իշխանության հաստատումից հետո անմիջապես ձեռքակալման ենթակա ղեկավար գործիչների ցուցակներ: Այս գործն իրականացնելու էին գաղտնի Երևան ժամանած չեկիստները: Այսպես՝ արդեն դեկտեմբերի 2-ին Բ. Լեգրանը, խախտելով իր իսկ ստորագրած համաձայնագիրը, հրաման է արձակել ՀՀ Բյուրո-կառավարության անդամների և մի շարք «հակահեղափոխական գործիչների»՝ Համո Օհանջանյանի, Սարգիս Արարտյանի, Արտաշես Չիլինգարյանի (Ռուբեն Դարբինյան), Մինաս Տեր-Մինասյանի (Ռուբեն), Արշակ Ջամայանի, Գևորգ Ղազարյանի, ՀՀ պահեստային միլիցիայի նախկին պետ Լևոն Քալաթարյանի, հայդուկապետ Համազասպ Սրվանձտյանցի, Նոր Բայազետի նախկին գավառապետ Բենո Նալչաջյանի, հայտնի սոցիալ-

\* Ընդունվել է տպագրության 21.02.2011:

1 Տե՛ս «Հայաստանի Հանրապետությունը 1918-1920 թթ. (քաղաքական պատմություն), փաստաթղթերի և նյութերի ժողովածու», Եր., 2000, էջ 383-384:

դեմոկրատ (սպեցիֆիկ) Բախշի Իշխանյանի և ուրիշների ձեռքակալման մասին<sup>2</sup>: Նշված գործիչներից Սարգիս Արարատյանին, Արշակ Ջամալյանին և Գևորգ Ղազարյանին հաջողվեց անցնել Թիֆլիս, իսկ Ռուբենն ու Լևոն Քալաթարյանը մեկնեցին Ջանգեզուր: Մյուսները ձեռքակալվեցին:

Բանտարկվեցին նաև հայտնի դաշնակցական գործիչներ Վահան Նավասարդյանը, խորհրդարանի նախկին նախագահ Ավետիք Սահակյանը, անդամներ Վարոս Բաբայանը, Հովսեփ Տեր-Դավթյանը, Գևորգ Վարշամյանը, Թադեոս Թոշյանը, Արշակ Ղազարյանը, Երևանի քաղաքային խորհրդի նախկին անդամ Արշալույս Աստվածատրյանը, գնդապետ Նիկոլայ Ղորղանյանը, նախկին վարչապետ Հովհաննես Քաջազունին և ուրիշներ: Իր զբաղեցրած պաշտոնից ազատվեց և 1921թ. հունվարի 10-ին Մոսկվա ուղարկվեց Դրոն: Ձեռքակալությունից ազատ մնացածները թաքնվել էին: Նրանց թվում էին Սիմոն Վրացյանը, Սիրական Տիգրանյանը, Արշակ Հովհաննիսյանը և ուրիշներ:

Այս համատարած բռնություններին ի պատասխան՝ բանտարկությունից խուսափած ՀՅԴ գործիչների և դաշնակցական խմբապետների ղեկավարությամբ գավառներում առաջ եկան գաղտնի խմբեր: ՀՅԴ անդամները շարժմանը կազմակերպված բնույթ էին հաղորդում և միավորում էին այդ խմբերին՝ ընդհատակյա գործունեություն ծավալած Երևանի Հայրենիքի փրկության կոմիտեի շուրջ<sup>3</sup>: Սկզբնական շրջանում սոսկ խնդիր էր դրված չեկայի ճիրաններից ազատել բանտարկյալ դաշնակցականներին, բայց հետագայում շարժումը վերածվեց խորհրդային իշխանության տապալմանն ուղղված հուժկու ապստամբության:

Սիմոն Վրացյանի վկայությամբ՝ Փետրվարյան ապստամբության համար անմիջական առիթ դարձան 1921թ. փետրվարի 9-ի գիշերը և 10-ին Երևանում արտակարգ հանձնաժողովի կատարած զանգվածային ձեռքակալությունները<sup>4</sup>: ՀԿ(Բ)Կ Կենտկոմից օգնության ուղարկված 20 կոմունիստների օժանդակությամբ մեկ գիշերվա ընթացքում ձեռքակալվեցին 88 «հակահեղափոխականներ», որոնց թվում էին Լևոն Շանթը, Նիկոլ Աղբալյանը, Արմենակ Մաքսապետյանը, Գառնիկ Քալաշյանը: Ձեռքակալությունների առիթ էր հանդիսացել չեկայում ստացված այն տեղեկատվությունը, թե իբր՝ խորհրդային հասարակարգի որոշ «թշնամիներ» պատրաստվում են գիշերը փախչել քաղաքից<sup>5</sup>: Փետրվարի 11-ի լույս 12-ի գիշերը չեկան ձեռքակալեց ևս 18 «հակահեղափոխականների», այդ թվում՝ հայտնի դաշնակցական գործիչներ Հովսեփ Թադևոսյանին և Սկրտիչ Մուսինյանին:

Սակայն այս քայլերը չկարողացան կանխել հակախորհրդային ապստամբությունը: Ընդհակառակը, փետրվարի 13-ին Կոտայքի Ջառ գյուղում տեղի ունեցավ ՀՅԴ ղեկավար գործիչների ու խմբապետների խորհրդակցություն, որը որոշում ընդունեց փետրվարի 16-ին ապստամբություն բարձրացնելու վերաբերյալ՝ զինված ուժերի հրամանատար նշանակելով գնդապետ Կուռո Թարխանյանին: Այս մասին տեղեկացվեցին Երևանի, Ջանգեզուրի, Ծաղկաձորի և Արագածի ապստամբական ուժերի ղեկավարները<sup>6</sup>: Ժողովի հաջորդ օրը՝ փետրվարի 14-ին,

2 Տես Վիրաթյան Ա., Գ. Օհանջանյանի կառավարության անդամների ձեռքակալման մասին, «Բանբեր Գայաստանի արխիվների», 2009, N 1, էջ 107-110:  
3 Տես Վրացյան Ա., Գայաստանի Զանրապետություն, Եր., 1993, էջ 559:  
4 Տես Վրացյան Ա., նշվ. աշխ., էջ 559:  
5 Տես «Հոկտեմբերյան սոցիալիստական մեծ ռևոլյուցիան և սովետական իշխանության հաղթանակը Գայաստանում, փաստաթղթերի և նյութերի ժողովածու», խմբ. կոլեգիա՝ Ա. Ն. Մնացականյան և ուրիշն., Եր., 1960, էջ 480:  
6 Տես Սասունի Կ., Փետրուարեան ապստամբութիւնը, Պէյրուք, 1970, էջ 82:

ՀՅԴ Բյուրոյի անունից Փարիզում գտնվող ՀՀ պատվիրակության նախագահ Ավետիս Ահարոնյանին ուղղված իրենց նամակում Ա. Ջամալյանը և Գ. Ղազարյանը հայտնում էին, որ ստեղծված իրավիճակում ժողովրդի համար կենսական պահանջ է դարձել խորհրդային իշխանության տապալումը և ապստամբությունն իրագործելու համար առաջ էին քաշում պատվիրակության տրամադրության տակ գտնվող միջոցներից խոշոր գումար ուղարկելու խնդիրը<sup>7</sup>: Եվ արդեն փետրվարի 16-ին ՀՅԴ ղեկավարությամբ սկսվեց Փետրվարյան ապստամբությունը ...

Այս իրադարձությունների ճշգրիտ պատկերը վերականգնելու և ամբողջացնելու համար ստորև առաջին անգամ հրատարակվում են Հայաստանի արտակարգ հանձնաժողովի (չեկա) 1921թ. փետրվարի 12-ի երկու ամփոփագրերը՝ փետրվարի 9-ի գիշերը և փետրվարի 10-ին ու 11-ի՝ լույս 12-ի գիշերը կատարված ձերբակալությունների մասին (փաստաթղթեր N 2 և 3): Դրանք լույս են սփռում նաև Փետրվարյան ապստամբության նախօրեին բոլշևիկների կողմից իրագործված բռնությունների ընթացքի վրա: Քանի որ չեկայի այս երկու ամփոփագրերը բխում են Հայհեղկոմի նախագահ Սարգիս Կասյանին ուղղված Շավարշ Ամիրխանյանի փետրվարի 13-ի «հույժ գաղտնի» մակագրությամբ զեկուցագրից, նպատակահարմար ենք համարում վերահրատարակել այն (փաստաթուղթ N 1): Դա անհրաժեշտ է նաև այն պատճառով, որ խորհրդային տարիներին իրականացված հրատարակության ժամանակ փաստաթղթում կատարվել է **ամենևին էլ ոչ պատահական** կրճատում:

Նկատի ունենալով այս հանգամանքը՝ վերը նշված երեք վավերագրերը հրատարակում ենք ոչ թե ժամանակագրական, այլ բովանդակային հաջորդականության սկզբունքով:

Հրատարակվող փաստաթղթերը թարգմանված են ռուսերեն բնագրերից, որոնք պահվում են Հայաստանի ազգային արխիվի 114 ֆոնդի երկրորդ ցուցակում:

Համո Կ. Սուքիասյան  
*պատմ. գիտ. թեկնածու*

## DOCUMENTS OF THE ARRESTS PRECEDING THE 18<sup>TH</sup> OF FEBRUARY 1921

On the 90<sup>th</sup> Anniversary of the February Revolt

Hamo K. Sukiasyan

7 Տես Ղազարյանյան Վ., Գևորգյան Յ., Ղաշնակցության կողմից Փետրվարյան ապստամբության ղեկավարման հարցի շուրջ (նորահայտ վավերագիր), «Բանբեր Հայաստանի արխիվների», 2003, N 1, էջ 47-50:

**Հուլի գաղտնի: Հայեղկոմի նախագահ ընկեր  
Կասյանին՝ Հայաստանի արտակարգ  
հանձնաժողովի նախագահ Ամիրխանյանից  
13 փետրվարի 1921թ.**

Չեկայում իմ կարճաժամկետ գործունեության ժամանակամիջոցում ես համոզվեցի, որ նման կազմակերպվածության և ուժերի առկայության պայմաններում չեկան դեռևս ի վիճակի չէ իրագործել այն լուրջ խնդիրները, որոնք դրված են նրա առջև. առաջին՝ աշխատակիցների կեսից ավելին անկուսակցականներ են և երկրորդ՝ բաժինները և ենթաբաժինները ղեկավարում են անփորձ և անպատասխանատու աշխատողներ, քննիչների և գաղտնի աշխատակիցների սուր կարիք է զգացվում, ինչը և շատ խիստ անդրադառնում է չեկայի այդչափ լուրջ աշխատանքի վրա: Շատ հաճախ հնարավորություն չի լինում ստուգելու նույնիսկ այն տազմապալի տվյալների քառասուն տոկոսը, որոնք հաճախակի ստացվում են չեկայում:

Այդ տվյալների համաձայն՝ բանդիտիզմն արագորեն ծավալվում է Հայաստանի շատ շրջաններում. ինչպես Գարալազյազի գավառում, Բաշարարանում և Չեգոք գոտու սահմաններում: Այդ բանդիտները սերտ կապի մեջ են Երևան քաղաքի հետ: Նկատվում է նաև Երևանից տարբեր հակահեղափոխականների փախուստ այդ բանդիտների մոտ և Չանգեգուր:

Փոքրիկ դավադրություններ են հայտնաբերվել Էջմիածնում, Աշտարակում, Կոտայքում և Դիլիջանում, որոնց մասին մանրամասն տեղեկություններ դեռևս չեն ստացվել:

Սույն ամսի 8-ին ես պատրաստվում էի մանրամասն զեկույց ներկայացնել Հայաստանի հեղկոմին՝ բոլոր կասկածելի անձանց ձերբակալելու առաջարկությամբ, որոնց մասին մենք տվյալներ ունենք և նրանց կալանքի տակ պահել այնքան ժամանակ, մինչև որ

կպարզվի Խորհրդային Հայաստանի տազմապալի դրությունը: Բայց հենց դաշնակների մի հետախույզ կնոջ ձերբակալությունից հետո, որը Էջմիածնից Երևան էր եկել, և հայտնի մատուցերիստ Լևոն Խանայանի ձերբակալությունից հետո, որը պատրաստվում էր մահափորձ կատարել ընկեր Աթարբեկովի<sup>8</sup> և ևս երկուսի, ամենայն հավանականությամբ՝ ընկեր Կասյանի և Ավիսի<sup>9</sup> դեմ, հետախույզությունն ինձ հաղորդեց, որ մեր թշնամիներից շատերը պատրաստվում են գիշերը փախչել: Ես որոշեցի ձեռնամուխ լինել մեզ մոտ հաշվառված բոլոր կասկածելի անձանց ձերբակալությանը, ինչը և իրագործվեց Կենտկոմից մեզ օգնության ուղարկված քսան կոմունիստների օգնությամբ: Ձերբակալությունների արդյունքում ստացվեց հարյուր վեց մարդ, բայց, իհարկե, նրանցից ոմանք ազատ կարձակվեն և արդեն ազատվում են, որովհետև մեր անկազմակերպվածության և վատ հետախույզության շնորհիվ եղան որոշ սխալներ և թյուրիմացություններ, սակայն, ընդհանուր առմամբ, կարելի է ասել, որ օպերացիան հաջող անցավ: Անձամբ ես մտածում եմ նրանց կալանքի տակ պահել որպես պատանդներ:

**Ինձ մոտ միայն ծագեց նաև ձերբակալել բոլոր հայտնի մատուցերիստների և դաշնակների մոտիկ ազգականներին, ինչի համար խնդրում եմ ձեր թույլտվությունը<sup>10</sup>** (ընդգծումը մերն է՝ Հ.Ս.):

Ես ձեռնամուխ եմ եղել չեկային կից հատուկ նշանակության գորամասի կազմակերպմանը, բայց այդ գորամասի կազմակերպման գործն առաջ չի գնում, քանի որ զինվորական կազմակերպությունները չեն աջակցում: Չեկայի պահակախումբն ամբողջովին անհուսալի է: Կայագործի պետը մեզ միայն անվարժ և անկարգապահ հայ կարմիրբանակայիններ է տալիս:

Իմ պարտքն եմ համարում Չեգ տեղեկացնել նաև, որ Երևան քաղաքից ռուսական գորամասերի բացակայությունը ոգևորում է բանդիտներին, որոնք մտադիր են հարձակվել Երևանի վրա: Անհրաժեշտ է քաղաքում ռուսա-

ԵՐԵՎԱՆԻ ԳՐԱԿԱՆԱԳՐԱԿԱՆ ԿԵՆՏՐՈՆ

1011 հունվար-մարտ 2011  
Գ. (Թ) փարի, թիվ 1 (33) հունվար-մարտ 2011

ԿԵՆՏՐՈՆԻ ԿԱԶՄԻՆԻՍՏԱՆԻ ԿԱՆՈՒՄԻՏԻ

8 Չեգոք Աթարբեկյանը Համառուսաստանյան արտակարգ հանձնաժողովի Հայաստանի լիազորն էր:  
9 Ավիս Նուրիջանյանը Խորհրդային Հայաստանի ռազմական գործերի ժողովն էր:  
10 Խորհրդային շրջանում փաստաթուղթը հրատարակվել է առանց այս պարբերության: Տե՛ս «Великая Октябрьская социалистическая революция и победа советской власти в Армении (сборник документов)», под. ред. А. Н. Мнацаканяна и др., Ер., 1957, с. 511-512, док. N 371. Տե՛ս նաև «Հոկտեմբերյան սոցիալիստական մեծ ռեյոլուցիան և սովետական իշխանության հաղթանակը Հայաստանում, փաստաթղթերի և նյութերի ժողովածու», խմբ. կոլեգիա՝ Ա. Ն. Մնացականյան և ուրիշն., Եր., 1960, էջ 479-481, փաստ. N 337:

կան կայագոր ունենալ:

Ես կարգադրել եմ իմ գաղտնի բաժնին պարբերաբար Չեզ տեղեկատու ամփոփագրեր ուղարկել:

Պարտավորվում եմ յուրաքանչյուր տասնհինգ օրը մեկ առավել մանրամասն գրավոր զեկույց ներկայացնել Չեզ:

Մրան կցվում է սույն ամսի 9-ից մինչև 11-ը ձերբակալվածների ցուցակը:

Չեկայի նախագահ՝ Շ. Ամիրխանյան

**ՀԱԱ, ֆ. 114, ց. 2, գ. 40, ք. 77-78: Բնագիր: Ինքնագիր:**

**ՓԱՍՏԱԹՈՒՂԹ**

N 2

**Ամփոփագիր**

**փետրվարի 9-ի գիշերը և 10-ին Հայաստանի չեկայի կողմից ձերբակալված և բանտարկված հակահեղափոխականների**

12 փետրվարի 1921թ.

| N  | ազգանունը և անունը      | ինչու՞մ է մեղադրվում     | ծանոթագրություն   |
|----|-------------------------|--------------------------|---|
| 1  | Լևոն Շանթ Սեդրոսի       | պառլամենտի անդամ         | Խորհրդային Ռուսաստան ուղարկված պատվիրակության անդամ <sup>11</sup> |
| 2  | Աղբալյան Նիկոլ          | պառլամենտի անդամ         |   |
| 3  | Մաքսապետյան Արմենակ     | պառլամենտի անդամ         |   |
| 4  | Հացագործյան Գարեգին     | պառլամենտի քարտուղար     |   |
| 5  | Շալջյան Արմենակ         | դաշնակցական ակտիվ գործիչ |   |
| 6  | Շալջյան Արամ            | դաշնակցական ակտիվ գործիչ |   |
| 7  | Քալանթարով Թաիր         | դաշնակցական ակտիվ գործիչ |   |
| 8  | Մեհրոյան Գարեգին        | դաշնակցական ակտիվ գործիչ |   |
| 9  | Սարուխանյան Արշակ       | դաշնակցական ակտիվ գործիչ |   |
| 10 | Շահինյան Լիպարիտ        | դաշնակցական ակտիվ գործիչ |   |
| 11 | Աղաջարով Գրիգոր         | դաշնակցական ակտիվ գործիչ |   |
| 12 | Եղիանց Ղևոնդ            | դաշնակցական ակտիվ գործիչ |   |
| 13 | Զավարյան Հովհաննես      | դաշնակցական ակտիվ գործիչ |   |
| 14 | Աճեմյան Արմենակ         | դաշնակցական ակտիվ գործիչ |   |
| 15 | Տեր-Օհանով Վասիլ        | դաշնակցական ակտիվ գործիչ |   |
| 16 | Կյանջյանց Արամ          | դաշնակցական ակտիվ գործիչ |   |
| 17 | Մեկոյան Հակոբջան        | դաշնակցական ակտիվ գործիչ |   |
| 18 | Մանուկյան Գասպար        | դաշնակցական ակտիվ գործիչ |   |
| 19 | Տեր-Խաչատրյանց Գրիգոր   | դաշնակցական ակտիվ գործիչ |   |
| 20 | Սիմոնյան Սիմոն          | դաշնակցական ակտիվ գործիչ |   |
| 21 | Զարիբյան Համասփյուռ     | դաշնակցական ակտիվ գործիչ |   |
| 22 | Աղայանց Սեդրակ          | դաշնակցական ակտիվ գործիչ |   |
| 23 | Խաչատրյանց Հայրապետ     | դաշնակցական ակտիվ գործիչ |   |
| 24 | Վասաջյան Շավարշ         | դաշնակցական ակտիվ գործիչ |   |
| 25 | Խաչատուրյանց Հարություն | դաշնակցական ակտիվ գործիչ |   |
| 26 | Զախարյանց Մկրտիչ        | դաշնակցական ակտիվ գործիչ |   |
| 27 | Բաբայան Արշավիր         | դաշնակցական ակտիվ գործիչ |   |
| 28 | Կարապետյանց Խաչատուր    | դաշնակցական ակտիվ գործիչ |   |
| 29 | Գրիգորյանց Բարսեղ       | դաշնակցական ակտիվ գործիչ |   |
| 30 | Խաչատուրով Սողոմոն      | դաշնակցական ակտիվ գործիչ |   |
| 31 | Թարվերդյան Նիկողոս      | դաշնակցական ակտիվ գործիչ |   |

11 Պետք է լինի՝ «պատվիրակության նախագահ»:

|    |                          |  |  |
|----|--------------------------|--|--|
| 32 | Ղազարյանց Գասպար         | դաշնակցական ակտիվ գործիչ                   |  |
| 33 | Մարկարյանց Արամ          | դաշնակցական ակտիվ գործիչ                   |  |
| 34 | Խուրավերդյան Սիմեոն      | դաշնակցական ակտիվ գործիչ                   |  |
| 35 | Ստամբուլյան Արմենակ      | դաշնակցական ակտիվ գործիչ                   |  |
| 36 | Տեր-Չաքարյանց Հակոբ      | դաշնակցական ակտիվ գործիչ                   |  |
| 37 | Մովսեսյան Ալեքսանդր      | դաշնակցական ակտիվ գործիչ                   |  |
| 38 | Անաստասյան Ռուբեն        | դաշնակցական ակտիվ գործիչ                   |  |
| 39 | Արարատյան Կոնստանտին     | դաշնակցական ակտիվ գործիչ                   |  |
| 40 | Անանյան Տաճատ            | դաշնակցական ակտիվ գործիչ                   |  |
| 41 | Մանուկյան Միքայել        | դաշնակցական ակտիվ գործիչ                   |  |
| 43 | Հակոբյանց Արշալույս      | դաշնակցական ակտիվ գործիչ                   |  |
| 43 | Նավասարդյան Ստեփան       | մինիստրների անձնական քարտուղար             |  |
| 44 | Սիրվանդյան Պետրոն        | դաշնակցական ակտիվ գործիչ                   |  |
| 45 | Տեր-Վարդանյան Գայանե     | դաշնակցական ակտիվ գործիչ                   |  |
| 46 | Ալվանյանց Աբովյան        | դաշնակցական ակտիվ գործիչ                   |  |
| 47 | Բաբաջանով Հակոբ          | դաշնակցական ակտիվ գործիչ                   |  |
| 48 | Գրիգորյան Նարինան        | դաշնակցական ակտիվ գործիչ                   |  |
| 49 | Հակոբյան Սաթենիկ         | դաշնակցական ակտիվ գործիչ                   |  |
| 50 | Գյաջունցի Հայկ           | դաշնակցական ակտիվ քարոզիչ                  |  |
| 51 | Ալվանյան Թովմաս          | դաշնակցական ակտիվ քարոզիչ                  |  |
| 52 | Քոբանջյան Սերգեյ         | դաշնակցական ակտիվ քարոզիչ                  |  |
| 53 | Շեկոյանց Սահակ           | դաշնակցական ակտիվ քարոզիչ                  |  |
| 54 | Թևոսյանց Մանյա           | դաշնակցական ակտիվ քարոզիչ                  |  |
| 55 | Տեր-Սահակյանց Եվգենյա    | դաշնակցական ակտիվ քարոզիչ                  |  |
| 56 | Սարգսյանց Լազար          | ակտիվ դաշնակցական                          |  |
| 57 | Ստեփանյանց Հովհաննես     | ակտիվ դաշնակցական                          |  |
| 58 | Ղարիբյանց Հարութիս       | ակտիվ դաշնակցական                          |  |
| 59 | Ամիրխանյան Լևոն          | ակտիվ դաշնակցական                          |  |
| 60 | Մելիք-Ստեփանյան Բաբկեն   | ակտիվ դաշնակցական                          |  |
| 61 | Խաչվանքյան Հակոբ         | դաշնակցական ակտիվ գործիչ                   |  |
| 62 | Ղարիբյան Անուշավան       | դաշնակցական կանանց լիդեր                   |  |
| 63 | Բաբայան Ներսես           | դաշնակցական ակտիվ գործիչ                   |  |
| 64 | Սողոմոնյան Մուշեղ        | դաշնակցական ակտիվ գործիչ                   |  |
| 65 | Խոջամիրյան Մակար         | Դիլիջանի արտակարգ դատարանի նախագահ         |  |
| 66 | Սարգիսյանց Սարգիս        | միությունների միության նախագահ             |  |
| 67 | Տեր-Մարտիրոսով Սիրակ     | հայ կադետների <sup>12</sup> կենտկոմի անդամ |  |
| 68 | Ստամբուլյան Ելիզավետա    | դաշնակցական կանանց ղեկավար                 |  |
| 69 | Մելիք-Ալլահվերդով Բեբուք | դաշնակցական կանանց լիդեր <sup>13</sup>     |  |
| 70 | Ամիրխանով Հովսեփ         | դատական պալատի նախագահ                     |  |
| 71 | Թերլեմեզյան Արվանդ       | դաշնակցական քարոզիչ                        |  |
| 72 | Հասրաթյան Գրիշա          | դաշնակցական մաուզերիստ                     |  |
| 73 | Հասրաթյան Վաչագան        | դաշնակցական մաուզերիստ                     |  |
| 74 | Կուզյան Լևոն             | դաշնակցական մաուզերիստ                     |  |
| 75 | Յալաձով Նահապետ          | դաշնակցական մաուզերիստ                     |  |

12 Խոսքը Հայ ժողովրդական կուսակցության մասին է:  
13 Այդպես է փաստաթղթում:

|    |                             |                                       |  |
|----|-----------------------------|---------------------------------------|--|
| 76 | Պահլավունի Մեսրոպ           | դաշնակցական մատուցող                  |  |
| 77 | Պահլավունի Արամ             | դաշնակցական մատուցող                  |  |
| 78 | Գևորգյան Նիկոլայ            | դաշնակցական խուզարկու                 |  |
| 79 | Խաչատրյանց Սինաս            | դաշնակցական խուզարկու                 |  |
| 80 | Ղազարյանց Ավետիս            | -                                     |  |
| 81 | Հարությունյան Ավետիք        | դաշնակցական խուզարկու                 |  |
| 82 | Բաղդասարյան Մելքոն          | դաշնակցական խուզարկու                 |  |
| 83 | Քալաշյան Գառնիկ             | պաշտամենտի անդամ                      |  |
| 84 | Մելիք-Գաղայան Ալեքսանդր     | դաշնակցական դատարանի կենտրոնի նախագահ |  |
| 85 | Բաբիկյան Պարույր            | մատուցող                              |  |
| 86 | ----- <sup>14</sup> Նարինան | մատուցող                              |  |
| 87 | Տեր-Թովմասյան Առաքել        | դաշնակցական ակտիվ գործիչ              |  |
| 88 | Տեր-Հովհաննեսյան Առաքել     | դաշնակցական ակտիվ գործիչ              |  |

Գիշտ է՝ (հետևում է Շ. Ամիրխանյանի ստորագրությունը)

**ՀԱԱ, ֆ. 114, ց. 2, գ. 40, ք. 75 և շրջ.:** Վավերացված պատճեն: Մեքենագիր: Թարգմանություն ռուսերենից:

**ՓԱՍՏԱԹՈՒՂԹ**

N 3

**Ամփոփագիր**

**փետրվարի 11-ի լույս 12-ի գիշերը Հայաստանի չեկայի կողմից կալանավորվածների և բանտարկվածների**

12 փետրվարի 1921թ.

| N  | ազգանունը և անունը        | ինչու՞մ է մեղադրվում                   | ծանոթագրություն |
|----|---------------------------|--|-----------------|
| 1  | Տեր-Ներսեսյան Իսահակ Նիկ. | դաշնակցական ակտիվ գործիչ <sup>15</sup> |                 |
| 2  | Շահյան Մելիքսեթ Խաչատուրի | դաշնակցական ակտիվ գործիչ               |                 |
| 3  | Ղուկասյան Պողոս Կարապետի  | դաշնակցական ակտիվ գործիչ               |                 |
| 4  | Խալաթով Գարեգին Մարտ.     | դաշնակցական ակտիվ գործիչ               |                 |
| 5  | Խալաթով Հակոբ Մարտ.       | դաշնակցական ակտիվ գործիչ               |                 |
| 6  | Խալաթով Սողոմոն Բարսեղի   | դաշնակցական ակտիվ գործիչ               |                 |
| 7  | Թադևոսյան Հովսեփ Իվանի    | պաշտամենտի անդամ                       |                 |
| 8  | Խանամիրյան Կոստյա Աղաջանի | դաշնակցական ակտիվ գործիչ               |                 |
| 9  | Շահյան Արամ Միքայելի      | -                                      |                 |
| 10 | Խալաթով Գևորգ Մարտիրոսի   | դաշնակցական ակտիվ գործիչ               |                 |
| 11 | Հակոբյան Վահան Նիկողոսի   | դաշնակցական ակտիվ գործիչ               |                 |
| 12 | Պետրոսյան Խաչատուր        | -                                      |                 |
| 13 | Աղաջանյան Գարեգին         | -                                      |                 |
| 14 | Խաչատրյան Փիրուհի Մաթևոսի | -                                      |                 |
| 15 | Խաչատրյան Լևոն            | -                                      |                 |
| 16 | Մուսինյան Սյրաիշ          | -                                      |                 |
| 17 | Տեր-Պետրոսյան Վարդգես     | -                                      |                 |
| 18 | Աղաջանյան Աղաջան          | -                                      |                 |

Գիշտ է՝ (հետևում է Շ. Ամիրխանյանի ստորագրությունը)

**ՀԱԱ, ֆ. 114, ց. 2, գ. 40, ք. 76:** Վավերացված պատճեն: Մեքենագիր: Թարգմանություն ռուսերենից:

<sup>14</sup> Ազգանունը չի ընթերցվում:

<sup>15</sup> Դատարանի նշան է դրված և գրված «տեր»: